



LAurentius Surius natus est in celebri Germa-
 nię urbe Lubeca. Is cum prima literarum fun-
 damenta iecisset, sese ad Academias contulit, atq̃
 Historiarum lectioni & Theologię incubuit. Vt
 autem commodius libris inhærere posset, Colo-
 niam perueniens, ibidem Carthusianorum ordi-
 nem suscepit, & in literis adeò profecit, ut passim
 hominibus innotesceret. Cum uerò reipublicę
 literarię prodesse cuperet, quędam Germanica
 Latinè, & alia Latina Germanicè reddidit. Ipsum-
 quę Naucleri præstantissimum opus Historicum
 ab annis quinquaginta & amplius continuauit,
 atque nostri temporis Historiam scripsit. In pri-

mis uerò multa, quę à Sleidano in Historijs erant annotata, confutauit, atque
 rem se aliter habere pro Catholicis definiuit. Hoc modo Euangelicis re-
 sistendo etiamnum Colonia in eo ordine à multis agnosci-
 tur, Anon.